

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Gravamina sacri Romani Imperii principum ac procerum

[S.l., Mainz], 1523

Qvibvs nexibvs archiepiscopi ac episcopi a suis capitulis ob collationem
beneficiorum sint astricti

[urn:nbn:de:bsz:31-114121](https://nbn-resolving.org/urn:nbn:de:bsz:31-114121)

DE TEMPORE INTERDICTO.

PARImodo agitur etiam cum celebrandis nuptiarum solennibus, à dominica Septuagesima, qua cantatur in ecclesia, Circumdederunt me, &c. sub Quadragesimæ usq; initium quo tēpore ab ecclesiæ Romanæ primoribus, undiq; nuptias celebrari interdictum est. Quum tamen interim & ab ecclesiasticis & à secularibus passim sine discrimine publice Genialiter uiuatur. Sed ita demum iuterdictum illud procedit, si gratis hoc facere quis intēdat. Quod si nummi spes refulserit, iam quod primum erat prohibitū, impune ac libere facere licet. Est em̄ & hoc graue, Germanorū crumenis retiaculum, quo extrahuntur nummi. Nec minus interim grauamen, quod pauperis diuitisq; longe diuersa in relaxandis his constitutionibus, sit conditio.

QVIBVS NEXIBVS ARCHIEPISCOPI AC
Episcopi à suis Capitulis ob collationem
beneficiorum sint astricti.

NECTamen beneficia ac parrochiales ecclesiæ Romæ ob pecuniæ fauoris, aut familiaris cōsuetudinis amorem, indoctis, turpibus, ridiculis, ac offendiculis personis. Sed & simile quiddam ab Archiepiscopis & Episcopis committitur, qui per eorum capitulares congregationes ita obligantur, ut omnia præpinguia beneficia, curata ac nō curata (quæ proculdubio à fundatoribus primum, ut ad doctos ac integros pertinerent uiros, sunt fundata) Capitularibus Canonicis, utcūq; ad hoc in idoneis, conferre necessum habeant, qui dehinc talia beneficia simplicia ac curata, indoctis, ac ludicris personis, modo quam maximum pendeant censum annuū, elocant, æque atq; supra de mercatorum societatibus dictum est, ita quod possessores illi conductitij, maiorem partem ex illicitis exactionibus uiuere, atq; ob id subditos eo amplius onerare coguntur. Similiter & cum cæteris cathedralibus collegiatisq;



29

giatisq; Ecclesijs, ac earum capitulis agitur. Item & per præpositos, reliquosq; in dignitate constitutos agitur idem, interim dum sua conferunt beneficia ecclesiastica.

PRÆTEREA, qui pinguiora, ita ut prædictum est habent beneficia, ac ecclesias parrochiales, utcunq; annuas pensiones amplissimas ex locationis titulo, à cōductoribus percipiant, quibus redditibus à laicis fundatoribus beneficia hæc ampliter sunt dotata, tamē committunt locatores, ut domus beneficiaræ, præ neglecta ædificiorum cura, penitus collabantur. Nihil enim aliud curant beneficiorum personati isti possessores, aut locatores, quã ut pecuniæ æquo maiorem summam quotannis à conductoribus recipiant, ac eandē hinc in uarios, sed in inhonestos, illicitos, ac offendiculorum, peccatorumq; plenos usus conuertant: de salute & cura animarum, uel subditorum, uel etiam eorū, quorum ex marsupio uiuunt, hoc est fundatorū, prorsus apud hos nulla mencio, respectus (uelut Megarensium olim) plane nullus. Eapropter Sa. Ro. Imperij Status, ac Principes & proceres laici, hic quoq; supplicant, Sanctitas Pontificia uelit eam offendiculorum syluam, turbatum rerum ordinem ac onera hæc iusto grauiora, tollere, emendareq;, ac archiepiscopos, episcoposq;, ab obligatione, qua ex promissionis prædictæ nexu tenentur, liberare, solutosq; reddere, ac ædicto cauere, ne post hac Archiepiscopi & Episcopi, talibus adstringantur uinculis, sed ut de hinc nulli beneficium ecclesiasticum, curam habens animarū, conferatur, qui non sit doctrina, ætateq; & moribus ad hoc idoneus, qui & honestam, ac præbytero dignam uiuat uitam, & qui ipse propria illud possideat persona, nec plura quidem, sed unum tantum beneficium curatum, seu parrochiale Ecclesiam, Christiane, hoc est sine oenffdiculis ullis, sed multo, cum doctrinæ eum uitæ integritatis fructū administret.

DE ONERE BANNI, SEV EXCOMMUNICATIONIS.

A ij ITEM